

三怡堂叢書

圭塘小藁

十三

三

拾

壹

萬

古

五
拾
壹
萬

上

圭塘小藁卷之別集上

元中憲大夫同僉太常禮儀院事弟有孚編

節次所得圭塘先生酬贈并見寄詩文

太常可行弟升官其七十八歲兄以詩賀之曰

家雖通日觀身自植雲梯鬢雪行還漆腰金遂換犀筵情
今俗異高興昔賢齊兄老無佗技惟求醉似泥

漫述

偃伉勤成立其原得母長郎中光武世馮氏遂蕃昌後世
論婚娶徒知慕貴強吾詩非漫作人道是良方

次來韻二首奉寄可行賢弟一笑

主明小集別集
一
洄水悠悠晝夜東如君鄉里尚萍蓬
士師無愧任三黜賢聖有時聊一中
自分衰慵乖世用且將栽接代天工
年來仇敵消磨盡酣酒田翁最長雄

老境生涯合務農誰教鷗鷺日過從
窓含竹影宜高枕屨印苔痕襯瘦筇
風月歌詞非楚些江湖交友憶吳儂
獨憐多少看雲意三月書才見一封

圭塘獨坐有懷

韶護鏗鐙杳嗣音樹林清遠憶同陰
停雲靄靄日將暮伐木丁丁山更深
飯罷竹邊時策杖茶餘松下獨彈琴
直須月到天心處尊酒悠然與對斟

題可行太常人海浮槎齋

八十瀛洲樂素貧豈知京國是天津
予今不患恩波隔我老何憂病後新
一轡肘餘分固好三升門下送宜頻
年來莫笑無佳句甘作人間飲食人

有孚和右甲辰二月十八日以上尊暨朔南諸品奇
果珍殽拜我兄圭塘先生于磨堦堅齋酒酣歡甚適
得前藁走筆次韻聊發一笑因見詩禮家表只此便
是無窮清樂也明年再續謹附率爾之詩於後

浮槎名室頗宜貧人海茫茫孰問津
九陌紅塵三島近一天清景四時新
飄搖只恐因成癖來往多應不厭頻
但得

仙翁時共泛絕勝前日自乘人

送張困亮鍊師

并序

予養病鄉廬簡出入獨謁阡不免阡距城西者十
餘里道北郭實南北孔道每爲驛使識陪留多事
故出入每以星至正己丑三月二十一日謁阡歸
過洹橋數騎追及天已星猶懼其或我識側帽緩
轡道左以俟其過前驅已前俄聞揚言此中丞邪
亟來見及困亮張君鍊師代祠武當馳騁而道此
也明日過予出京師餞章詰日出京時念必過相
一見虛前紙請言幸勿靳予夕閑閑大宗師與其

徒多善困亮主京師東嶽祠園杏千株人境俱勝
送客東門若自公有暇卽造焉困亮修潔能詩見
必觴詠忘返別一年矣當予避客時輟擊肩摩中
天復已暝乃邂逅相遇豈偶然哉遂不忍以疾辭

贈之詩曰

杏園陳迹夢喧妍馬上相逢豈偶然每憶可人如隔世不
聞新句又經年花迎驛路飛紅雨香到朝山散紫烟王事
遊方歸有日遲君洹水白鷗前

五月二十一日曉窓月明枕上漫述奉可行一笑

涼風清浥露溥溥淨滌京氛豁大觀驥不一鳴真伏老鵲

猶三匝自求安婦娥宮殿雲休妬病叟壺觴興未闌朋舊
過從話新事可憐俱訴酒爲難年來雖樞要官亦苦無酒
衰病服藥資用尤切故漫
及之

可行太常饋浙間朋舊所寄糟梅以之薦酒風味殊

勝賦二十字記平素之未嘗食者

王寅八月
二十一日

佳實元登鼎和羹日奏功年來歸隱地好在醉鄉中

題可行所藏米元暉雲山小景

傳云五百歲名山始一開本末長五尋和氣暢九垓往者
既不及孰能待其來濟勝事游覽我姑陟崔嵬又苦道路
艱荆榛滿氛埃不如跼斗室寓畫攄靈臺聊將萬里意收

作小蓬萊

幼菴送新茶蒲筍以詩答之兼簡太常弟過目

珠蕾鮮初摘冰芽鬱未舒分甘出圓嶠伴食謝中書京國
慙饗祿田園夢荷鋤多情老僊友能慰渴相如

和可行展省歸過圭塘卽席韻

墟里煙塵外巾車日日來疎林呈半塔初日見三臺酒每
從鄰貫詩宜待雨催衰年懷易感爲我少遲徊

四月二十七口莊之淵昆季治具至圭塘醉中賦此
奉寄一笑

拂水垂楊貼衣荷圭塘風景正清和豈能竒字酬人問深

愧羣賢載酒過花露墜紅沾村屨松雲凝翠遶絃歌也知
節飲宜衰病其奈鄉情醉更多

圭塘小酌廷彥不飲故諷之請可行和韻

松檜蒼蒼柳半黃天光雲影爛圭塘鶴隨尊酒穿松徑風
逐瓶花入草堂山好自供青眼舊機深誰道白眉良但教
晚節秋無恙不負韓家畫錦鄉

秋露白酒熟臥聞槽聲喜而得句可行當同賦也

治麴辛勤夏竟秋奇功今日遂全收日華煎露成眞液泉
脉穿巖咽細流不忍撥醅劇競面且教留響在林頭老懷
磈磊行澆盡三徑黃芝雨玉舟

至正改元四月十三日戊子皇帝御龍舟幸護聖寺
中書右丞臣帖木爾達實參知政事臣阿魯臣有王
扈行樂三奏命右丞前特授平章政事參政進右丞
臣有王逢左丞懇辭不允惶汗就列平章右丞曰今
日游騁之盛恩遇之隆不可不紀也悚懼之餘爲二
十韻以獻

宇宙承平日邦畿壯麗卿官中無暇逸湖上翫翱翔鳳輦
重雲降龍門萬斛驤風霆隨桂楫日月運牙樯五衛分輦
羽干官列鴈行長年花壓帽仙妓錦連航絨絳初徐引鑾
旂漸遠揚鞞蕲呈曼衍傑侏遞鏗鏘玉食傳麟脯冰壺出

蔗漿魚鳶知永蹕鸞燕逐餘香夾岸金戈翊彌空綉幕張
汀迴開瀚海天近勝錢塘翠閣峩雙島珠簾護兩廂九霄
披瑞靄四表覩朝陽補助資遊豫登崇貴俊良不圖椎朽
質亦復被清光左轄網維地中書政事堂出謀慚不武好
學願無荒喻水民堪畏從槁策最長濟川非所任歌詠獻
巖廊

右七月十二日書寄可行御史社酒治聾昔嘗飲之
恐遂不聾不能顧曲之誤却喜是非都不知又形諸
詩今春可行送社酒方以爲喜大社之餘致效當尤
速然而飲之已酸治聾之效又無望矣而今而後又

不聾矣多聞不能忍必有多事爲之詩曰

予生苦多口三緘非不知說說徒自戒謀謀尋復隨齋扁
摩堯堅訓勉朱子遺客至愛異觀何益於我爲社酒堪治
聾昔嘗屢飲之恐遂太達聰多事添驅馳茲得大社餘其
效想倍蓰胡爲負宿氣曲直至我眉朱門列畫邸食前方
丈施我瓶都幾何後望饒涎垂老笑笑相勸處世聾最宜

和可行都司韻

二首

常恨看雲日暮時清尊才得浣離思修程騏驥須千里老
境鷓鴣但一枝半世空隨人俯仰諸公自佩國安危年來
點檢閑中事種玉栽蘭儘未遲

枉尺安能復直尋田園幸不負初心山凝暮色供屏障菊
泛清香噴水沉好句每因吾弟得濁醪時共老農斟主壩
霜後清如鏡偏照蕭蕭雪滿簷

至正庚寅二月大雨麥成疸十得一二夏秋復旱傷
穀郡東至赤地稊稗穰生民幾得兩月食窮冬告盡
遂至顛沛忍待萌芽以供掇擷春又大寒迫清明雪
三尺卽事二首賢弟請和

榆不輸錢遂裸身春深何事未知春陰連殘臘經三月寒
挾凶年殺幾人厨饌珍饈自漿霍市廛糟餅雜糠塵因思
當軸曾持論今日方知隴畝民

笑教和稗治疲癯萬口嗷嗷一瞬空子女不如雞犬價官
民真是馬牛風纖萌其烈加冰沍枵腹誰能用雪充泉下
龔黃呼不起漫歌憂國願年豐

僮屋爲大雨所仆歌代書寄奉吾弟一笑

庚寅九月
十又八日

豐安坊西李氏宅締構甲子逾周天我歸我里却無屋割
金買居今七年中堂苟完遂龜縮傍舍草茨繩樞然諸僮
環處數百趾分房戢戢蜂巢聯早乾踰歲三百日縱雨簷
溜才涓涓伊誰鼓勇恣傾瀉通衢一夕流爲川坐令闔郡
若一室藩籬剖決無中邊朝來異響忽震地連宋接棟皆
傾顛抉泥出嬰幸免死庖厨竟日寒無煙昔知將覆不早

治今日至此誰之愆萬間初欲及寒士此心已負歸宜遄
家僮瑣瑣不能芟庭荒况說治其田作詩自笑實自愧敢
效茅屋秋風篇

可行太常弟侍皇太子奉旨春祭獨執多禮無不合
節喜而賦詩

宗廟吾儒有事榮子今兼事復能名聯班末吏雖無分却
幸胙餘沾及兄

歎衰憶橘二絕句令小蓋馳寄可行弟

附火平生憎乞相憑高時復豁雙眸今冬筋力衰多少終
日圍爐不丕樓

南果珍奇有木奴年年包裹及饒夫徐州近日舟航斷歲
貢尙方魯到無

觀家人治蠶事蠶將老而桑不繼求買甚艱窘因成
口號呈可行太常弟

千古南陽一草廬其中今有卧龍無三分二表都休論且
學栽桑八百株

癸巳六月二十日夜不寐忽聞麝香喜成口號似太
常過目

蓼香通夢報寒齋五齊前驅次第來更約西風勞縱曳東
籬早放菊花開